

սահմանիչ եւ կատարումն բոլոր էիցս, երիցս միակին, եզակի  
եւ միում ա՞ծութ՞ են։ Որ անշարժ գոլով շարժէ զարարածս  
ի կեանս և ի փրկութիւն էից էակն և կենդանեաց կեանքն։  
Որ անփոփոխ գոլով միշտ յէութ՞ն, անեզր եւ անվայրափակ,  
5 լըրումն և բովանդակիչ ամենայնի եւ յամենայնս է եւ յամե-  
նայնէ անհատէ։ Որպէս ի մասունս և ի բոլորս եւ ինքն ոչ  
մասն և ոչ բոլոր, որպէս թէ զմասն և զբոլոր զամենայն ինքն  
ունի և կրէ զամենայն արարածս բանիւ զաւրութ՞ն իւրոյ։  
Գիրալիբ գոլով ընու զամենայն եւ անհատ է յամենայնէ, որում  
10 բան և իմաստութի և լեզու տուեալ բոլոր էիցս։ Ի բոլորիցս  
հանցութ ա՞հութ՞ի եւ փառս հաւր և որդւոյ և հոգւոյն սրբոյ.  
այժմ և միշտ եւ յաւիտեանս յաւիտենից ամէն։

Իսկ ի չորից աւետարանչացն խորհուրդ բազմաւրինակ  
իմն ցուցմամբ տեսանի։ Զի ոմանք ասեն, թէ չորից աւետա-  
15 րանչացն են չորք անկիւնք արարածոց. Արևելք, Արևմուտք,  
Հիւսիս, Հարաւ, պարտ էր համասփիւռ քարոզել զաւետարանն։

Իսկ ոմանց հաճոյ թուեցաւ ըստ չորից մշտահոս գետոցն  
յադենական աղբերէն յառաջ խաղաղացեալ առ ի տիեզերաց  
ոռոգումն. Քիսոն, Գեհոն, Տիգրիս, եւ Եփրատէս, եւ սոցա  
20 գոլով նմանապէս թուով ուռճացեալք ի կենդանական աղբե-  
րէն ոռոգանել զպառքեալ միտս մարդկային ընութե՞ս։ Նոյն  
աւրինակ ըստ տեսութե՞ն Եզեկիէլի քառակերպեան աթոռոյ,  
Մարդ, Առիւծ, Եղն, Արծիւ՝ զանմարմնոցն տ՞ր տեսանելով  
բազմեալ ի փառացն աթոռ, իմանալի ցուցմամբ զխնամս բոլոր  
25 ընութե՞ս զակնարկումն։ Որ ա՞ծապէս եւ տիրաբար բերմամբ  
նշանակէ զլիննելն առ ի հողածինս հոգեզինացն անմահից զմահ-  
կանացուս ունել հաղորդս, ուս(տ)ի գերակատարն հանեալ ի  
ի փառս։ Վ՞ս զի փառաց թագաւորն ք՞ս փառակիցն հաւր  
և հոգւոյն սրբոյ զմերս առ՞ել ընութիւն, ըստ ինքեան միա-  
30 ցոյց ա՞ծութե՞ն, ուսուցանելով մի որդի դաւանել, որ յա՞յ  
հաւրէ եւ որ ի Մարիամայ սրբոյ կուսէ, անճառելի միաւո-  
րութեամբ, զոր աւետարանականն ուսուցանեն բանք, մինչ  
ի կատարած հաւանութե՞ք, հաւատահաստատ կարգաւք, ի նոյն  
յարելով յառաքելաւանդն քարոզութիւն։ Որ զ՞ածախաւան վար-  
35 զապետութի դրոշմեալ զսակաւս առ ի բազմացն առ ի հա-  
ւատալ, և թէ յս ք՞սն է որդի ՞այ. ըստ վեհին Յովհաննու  
հաւատալ և զկեանսն յաւիտենականս ընդունել յանուն նորա։

Ուստի և տեսել զսորա անճառ փրկագործութե՞ն խոր-  
հուրդ, ա՞ծասէր և բարեպաշտունի մահդասի կիին Գուլիա-  
40 շէն եւ ետ գրել զս՞ք աւետարանս յիշատակ բարի հոգւոյ իւրոյ  
և բարի ծնաւդաց իւրոց՝ հաւրն Միսիթարից եւ մաւրն . . . (բաց